

GULLANVULOŽA VUOIGATVUOĐAT JA GEATNEGASVUOĐAT

Bártedutkkadanguovddáša dahkan dutkkadeami ulbmilin lea dorvvolašvuoda buorideapmi. Dutkkadeapmi ii dahkkojuvvo vuoigatvuođalaš ovddasvástádusa čuoziheami várás.

Dorvvolašvuoda dutkkadanlága (525/2011) vuođul dutkkadeamis sáhttet gullojuvvot bártti dehe várálaš dili osolaččaid, áššedovdiid ja earáid, geain sáhtá navdima mielde oažžut dárbbalaš dieđuid.

Gullanvuložis oažžu leat fárustis veahkki dehe áššeolmmoš. Go mánná dehe eará vádjitválddalaš gullojuvvo, de fárus ferte leat su fuolaheaddji, beroštumiid bearráigeahčči dehe eará lágalaš ovddasteaddji. Veahkki ii oaččo vástidit gullanvuloža beales, muhto son sáhtá buktit ovdan iežas dehálažžan atnin áššiid.

Gullamis adnojuvvo dábálaččat suoma- dehe ruoŋagiella, muhto gullanvuloža sávaldaga mielde dat sáhtá dahkkot maid eará, sutnje buoremusat heivvolaš gillii. Dárbbu mielde gullamii háhkkojuvvo dulka.

Gullan báddejuvvo. Furkkoduvvon gullanbáttit dollojuvvojit suollemassan, muhto dieđut sáhttet registrerejuvvot almmolaš dutkkalmasčilgehussii.

Sávvojuvvo, ahte gullanvuloš muitala áššiid duohtavuođalaččat ja rehálaččat.

Bártedutkkadanguovddáš sáhtá luobahit gullandieđuid ovdadutkkadan- dehe sivaheaddjieisevárdái dušše dilis, mas olmmoš eahpiduvvo duođalaš, eanemusmearis unnimusat guovtti jagi fángaduomu ránggaštanvuloš rihkkosis. Goitge jos dieđut leat guovddášosiin ožžojuvvon olbmos, gii lea ovdadutkkadeamis dehe dikkis vihtanin geatnegahtton dehe vuoigadahtton biehttalit duođašteamis seamma áššis, de dieđut luobahuvvojit dušše gullanvuloža miehtama mielde.

Gullanvuložis lea vuoigatvuohta oažžut govtolaš buhtadusa dárbbalaš mátkes ja birgenláhkegolui sihke gullama dagahan ekonomalaš massimis.